



UNIVERSITÄTS-
BIBLIOTHEK
PADERBORN

Davidis Regii Prophetæ Psalterium

Moritz <Hessen, Landgraf>

Smalcaldiae, 1593

VD16 B 3258

Octonarius XVII. Pe. Mirabilia testimonia tua, &c.

[urn:nbn:de:hbz:466:1-68864](https://nbn-resolving.org/urn:nbn:de:hbz:466:1-68864)

Recta obseruantē reprobis ne trade premendū,
Nam quæ tu mandas, hæc ego seruo libens.
Consule nunc seruo, Domine, et succurre ministro,
Ne premat elati me violenta manus.
Præsidium Domini assiduè me a lumina querunt:
Et sitit auxilium mens mea mæsta tuum.
Dirige me famulum, solita bonitate, statutis
Vt credam pura simplicitate tuis.
Vt tua contempler promissa fidelia, mentem
Da mihi constantem, seruo namq; tibi.
En venit hora malos mulctandi, tempus & instat:
Nam tua rescindunt iussa tremenda mali.
Hinc ego diuinas supra aurum diligo leges,
Et quòd Arabs felix, diues & Indus habet.
Idcirco mandata lubens tua mente reuoluo:
Omne odi fallax impietatis iter.

Octonarius XVII.

P E.

Mirabilia testimonia tua, &c.

Sunt tua pacta, Deo, nimis admiranda, lehoua,
Idcirco hæc eadem mens mea fida tenet.
Erudit ignaros Iuris tua regula recti:

li 2

Huic

Huic tua lex anima gaudia magna parit.
Cor tenet hoc, legis discenda tanta cupido est,
Quanta sitis tenet os, potus ubi omnis abest.
Noxam condona, maculam mihi tolle pudoris,
Sicut ius, seruant qui tua iura, soles.
Nulla mihi impietas, nullumq; scelus dominetur,
Ne vager à recta, deuius erro, via.
Fac, mihi ne noceant fraudes hominumq; furores,
Et tua seruabo iussa tremenda piè.
Adspice me placito vultu, facieq; benigna:
Imbue me dictis dogmatibusq; tuis.
Excudit ex oculis lacrymas mihi turba maligna,
Qua tua contemnit sancta statuta, Deus.

Octonarius XVIII.

S A D E.

Iustus es Domine, & rectum &c.
Tua iusticia moderaris regna, Jehoua,
Iustum etenim est pactum iudiciūq; tuum.
Iusticiam custodiri & tua pacta tremenda
Precipis: est verax sermo manetq; tuus.
Totus ego exarsi zelo, commotus & ira,
Impia, quod spernit sic tua iussa, cohors.

Clarus